



Eldrerådet i Osterøy

Årsmelding 2020

Kva er Eldrerådet i kommunen?

Eldrerådet (ER) er eit av tre lovpålagte kommunale medverknadsorgan, og skal vege opp for at eldre ofte er underrepresenterte i folkevalde organ. Formålet er å sikre at synspunkt frå eldre vert ivaretekne i kommunale avgjersler. Rådet har ikkje vedtaksmynde, men er eit rådgjevande organ for kommunen i alle saker som vedkjem eldre.

Det vil seie at rådet har rett til å uttale seg, både på eige initiativ og i saker dei får tildelt, og desse uttalanane skal følgje saksdokumenta til det kommunale organet som fattar vedtak i dei einskilde sakene. Saker som vedkjem eldre famnar breitt, og kan til dømes vere (men er ikkje avgrensa til) saker som omhandlar budsjett, kommunale planar, samferdsel, helse- og omsorgstenester, og kulturtilbod og friluftsliv.

SAMANSETJING AV RÅDET

Osterøy elderråd har seks medlemmer, samt varamedlemmer som alle er valde av kommunestyret for valperioden 2019 - 2023. Nytt elderråd vert valt hausten etter at kommunestyre- og fylkestingsvalet er gjennomført. Organisasjonar som representerer eldre har rett til å fremje kandidatar, men kommunestyret kan også velje medlemmer utanom desse forslaga. Rådet vel sjølv leiar og nestleiar.

Eldrerådet har no følgjande medlemmer og varamedlemmer:

Medlemmer	Foreslått av	Varamedlemmer	Foreslått av
Asbjørg Ågotnes, leiar	Bruvik Helselag	1. Esther Halland	Hauge Helselag
Ove Kleiveland, nestleiar	Hauge Helselag	2. Ole Johan Faugstad	Bruvik Helselag
Oddny Solberg	Osterøy pensjonistlag	3. Berta Vevle	Osterøy pensjonistlag
Magne Reigstad, til september 2020	Senior Norge		
Vigdis Fossheim	Haus grendaråd		
Jarle Hanstveit, frå 10.12.20	Heradsstyret		
Bjarte Aarland	Heradsstyret	Grethe Holsen	Heradsstyret

Eldrerådet konstituerte seg i møtet 29. januar. Jarle Hanstveit vart vald som ny medlem etter Magne Reigstads bortgang i september 2020.

AKTIVITET I 2020

Eldrerådet har hatt åtte møte, inkludert to dagar med opplæring for medlemmene i regi av Vestland fylkeskommune og FFO Vestland.

Koronasituasjonen og smittevernomsyn har påverka aktivitetsnivået i rådet, då det store delar av året har vore restriksjonar i høve til fysisk møte og samlingar.

SAKER I 2020

Eldrerådet har handsama sakene som er lagt fram for rådet. Rådet har m.a. gitt uttale i følgjande saker:

Områderegulering Lonevåg – 1. gongs behandling

Temaplan for trafikksikring

Budsjett 2021 og økonomiplan 2022 – 2024

Eldrerådet har og teke opp konsekvensane av manglande avtale om pasientreiser frå/til Osterøy, og har bede kommunen om å medverka til ei snarleg løysing på dette.

ARBEIDET I 2021

Eldrerådet skal sikre at synspunkt frå eldre vert ivareteke i kommunale avgjersler, men er, likeeins med dei to andre råda i kommunen, avhengig både av at rådet er kjend blant dei tilsette i administrasjonen, og at øvrige folkevalde tek innspela frå rådet med i vurderingane. Rådet ser fram til eit aktivt år med godt samarbeid, der vi forhåpentlegvis kan vere meir fysisk tilstades ute i kommunen, og saman med andre aktuelle samarbeidspartnarar. Eldrepolitikk er langt meir enn helse og omsorg; Samfunnsdelen til kommuneplanen og «Leve heile Livet»- arbeidet i kommunen er spanande tema der Eldrerådet ser fram til medverknad. Andre viktige tema er innføring av meir velferdsteknologi og planarbeidet for etablering av Omsorg+ i kommunen.